



Uunga  
Inatsisartunut ilaasortaq  
Aqqa Samuelsen  
Inuit Ataqatigiit

**Angajoqqaat kisimiillutik perorsaasut pillugit § 37 naapertorlugu apeqqummut  
nr. 2019-272-imut akissut**

Asasara Aqqa Samuelsen

Qujanaq apeqqutinnut. Apeqqutigineqartut tullinnguuttuni ataasiakkaarlugit  
uteqqinneqarput akineqarlutillu.

**1. Angajoqqaat kisimiillutik perorsaasut tapersorneqarneqarnissaannut  
Naalakkersuisut qanoq kommuninut suleqatiserinnissamaarpat?**

Angajoqqaajuneq aallaaviatigut angajoqqaat akisussaaffigaat, taamaakkaluartoq  
Naalakkersuisut angajoqqaat angajoqqaatut pissusilersornissaat patajaallisartuarpaat.  
Angajoqqaajunerup patajaallisarneratigut meerarpassuit pitsaanerusumik  
peroriartornissaat qularnangitsumik anguneqarsinnaavoq, pingaarnertullu  
angerlarsimaffiup avataanut inissiisarnarit ikilisarnissaannut iluaqutaasinnaalluni.

Angajoqqaanut toqqaannartumik siunnersuisarnerit aallaavimmikkut kommuninit  
akisussaaffigineqarput. Ulluni makkunani angajoqqaanut ingerlanerluttunut  
nalinginnaasumilluunniit siunnersorneqarnissamik pisariaqartitsisunut arlalinnik  
neqeroorutissaqarpoq.

*MANU aqqutigalugu pikkorissartitsinerit* angajoqqaangortussanut  
angajoqqaangorlaanullu tamanut neqeroorutaavoq, tassanilu ilaatigut meeqqap  
ineriartornera, angajoqqaatut pissusilersornissat, angajoqqaajunermullu atatillugu  
angajoqqaangorluni inooqatigiinnermi ineriartorneq pillugit siunnersuisoqartarpoq.  
*MANU aqqutigalugu pikkorissartitsinerit* aamma angajoqqaat angajoqqaanik allanik  
naapeqateqarsinnaanerannik periarfissiippat, tamannalu aqqutigalugu angajoqqaatut  
misillittakkanik avitseqatigiittoqarsinnaalluni.

*Siusissukkut suliniutit* ilaqutariinnut immikkut atugarliuutilinnut neqeroorutaapput,  
tamannalu aqqutigalugu sumiginnaanissaraluit pitsaaliornissaat siunertaralugu meeqqat  
pisariaqartitaat ikiorserniarlugit ilaqutariit ikiorneqarnissaat periarfissinneqarluni.  
*Siusissukkut suliniutit* peqqinnissaqarfimmi kommuninilu sullissisut peqatigalugit  
suleqatigeeriaaseq malillugu ineriartortitaapput. Ilaqutariit angajoqqaatut pisinnaasaasa  
patajaallisarnissaat aamma sumiginnaanerit kiisalu meeqqanut ataasiakkaanut,

08-08-2019  
Suliap normua 2019 - 17448  
Akt. id. 11293486

Postboks 260  
3900 Nuuk  
Tlf. (+299) 34 50 00  
Fax (+299) 34 66 66  
E-mail: iian@nanaq.gl  
www.naalakkersuisut.gl

ilaqutariinnut inuiaqatigiinnullu sumiginnaanerit annertuumik kinguneqarsinnaanerisa pitsaaliornissaat *Siusissukkut Suliniutini* siunertarinqarpoq.

Tamatuma saniatigut kommunit amerlanerit ilaqutariinnut siunersieqatigiinnermik neqerooruteqartarput, tassanilu ilaqutariit tamarmik nukissaqartut - aamma ilaqutariit inuuniarnermikkut ajornartorsiutillit aallaaviupput. Ilaqutariit siunersieqatigiittarneranni ilaqutariit ilaquataasunik, ikinngutinik imaluunniit inunnik meeqqap inuuneranut pingaarutilinnik naapitsisarput. Meeqqap ilaqutariillu inuunerat qanoq iliornikkut pitsaanerulersinnaanersoq tamarmiullutik eqqartortarpaat. Siunersieqatigiinnermi ilaqutariit meeqqallu nipaata tusaaneqartarpoq, tassani siunissami qanoq pisoqarnissaanut aalajangernissaminnut periarfissinneqartarlutik.

Tamatuma saniatigut sorpassuartigut ilaqutariinnut atugarliortunut ikiuinissamik siunnersuinissamillu neqeroorsinnaasunik kommunit tamakkerlutik illoqarfiit amerlanersaanni nunaqarfinnilu ataasiakkaani ilaqutariinnut sullissiviteqarput. Innuttaasut ilaqutariillu ilaqutariittut katsorsartinnissaannik, siunnersorneqarnissaannik aamma ajornartoormi ikiorserneqarnissaannik neqeroorfigineqarsinnaapput. *Ilaqutariinnut sullissiviit* aallaavimmikkut ilaqutariinnut tamanut akeqanngillat. Ilaqutariinnut sullissivik ilaannikkooriarluni aamma atuarfinnut, ulluunerani paaqqinnittarfinnut peqqinnissaqarfimmullu siunnersuinnermik suliaqarsinnaavoq.

Neqeroorutit qulaani taaneqartut saniatigut meeqqanik inuusuttunillu sumiginnaasarneq akiorniarlugu iliuusissanut pilersaarummi takkuttussami tigussaasumik angajoqqaajunerup patajaallisarneqarnissaa Naalakkersuisut pilersaarutigaat. Angajoqqaajunerup patajaallisarneqarnissaani ilaqutariissutsit assigiinngitsut tamarmik pineqarput, matumani angajoqqaat kisimiillutik perorsaasut ilanngullugit.

## **2. Siusinnerusukkut Aningaasaqarnermut Siunnersuisoqatigiit aamma Atugarissaarnermut Akileraartarnerlu pillugit Ataatsimiisitaliarsuarmit siunnersuutaasimavoq akileraartarnermut aaqqissuusseqqittoqassasoq. Aaqqissuusseqqinnissamik siunertaqarluni AI20120-imi aningaasaliisoqassamaarpa?.**

Aningaasaqarnermut Naalakkersuisoqarfiup tulliuttut kalerriutigai:  
*“Ataatsimoortumik aaqqissuusseqqinnermik akileraartarnermillu nutaarluinnarmik ilaqartumik siunnersuummik saqqummiussisoqarnissaa naatsorsuutigineqarsinnaanngilaq. Uani periaaserineqassaaq aaqqissuusseqqinnerit kinguleriaat, ilaatigut inuiaqatigiinni imminut pilersornerulernissamik siunertaqartut, soorlu pensionisiaqartitsisarnermi, isumaginninnermut- suliffeqarnermullu suliassaqarfinni taakkulu akileraartitsisarnermut naleqqussaannermi aaqqissuusseqqinnermullu ataqatigiissinneqassapput. Tamakku ilaat naammassineqareerput, allalli ukiuni aggersuni pisussatut piareersarneqarput, soorlu suliassaqarfik pillugu UKA 2019-imut siunnersuut piareersarneqaleruttortoq.*

*Akileraartarnermut suliassaqarfimmi suliassaqarfinnilu attuumassuteqartuni inatsisissatut siunnersuutissaajunnartut piareersarneqarneri aallaaviatigut massakkut allaffissornermi isumalluutit atorlugit suliarineqassapput. Inatsisissatut siunnersuutininik taamaattunik saqqummiussinermi soorunami kingunerisassaannik*

*piviusunngortitsiner mi ingerlatsiner milu isumalluutini k allani k  
pisariaqartitsisoqassanersoq nalilersorneqarumaarpoq. Tamanna ilaatigut UKA 2019-  
imi suliner mi ilannga at pillugu inatsisissasut siunnersuut peqatigalugu AIS 2020-imut  
atatillugu pisimavoq, tamannalu akileraartarnermut aaqqissuusseqqinnissamut  
suliniutaavoq aalajangersimasoq.”*

Inussiarnersumik inuulluaqqusillunga

  
Martha Abelsen